

# KOPANO EA KEREKE

## Lenane-Thuto

Notes —

### KAROLO EA #1:

- I. Selelekela.
- II. Kopano Kerekeng ea Pele.
- III. Tlhokahalo, Boleng, Ho se Tsotelle Kopano:
  - A. Selelekela sa Karolo ea III.

### KAROLO EA #2:

- III. Tlhokahalo, Boleng, Ho se Tsotelle Kopano: (Nts'etso-pele.)
  - B. Tlhokahalo ea Kopano ea Kereke.

### KAROLO EA #3:

- III. Tlhokahalo, Boleng, Ho se Tsotelle Kopano: (Nts'etso-pele.)
  - C. Boleng ba Kopano ea Kereke.
  - D. Ho se Tsotelle Kopano ea Kereke.

### KAROLO EA #4:

- III. Tlhokahalo, Boleng, Ho se Tsotelle Kopano: (Nts'etso-pele.)
  - D. Ho se Tsotelle Kopano ea Kereke. (Nts'etso-pele.)
  - E. Qetello.
- IV. Kamahanyo le Matsatsi a Kajeno: Kopano ea Bakreste le Mehlobo.
  - A. Selelekela.
  - B. Bots'epehi.
  - C. Lintlha tse malebana le Ntlo e le **Ngoe**.

### KAROLO EA #5:

- IV. Kamahanyo le Matsatsi a Kajeno: Kopano ea Bakreste le Mehlobo (Nts'etso-pele.)
  - D. Selallo sa Morena.

Tlhahlobo.

# KOPANO EA KEREKE

Notes —

## Tlhahlobo

### Lipotso tse ka lebelloang, Limaraka li 20

- 1) Hlalosa karolelano ea Kopano o ipapisitse le ho arolelana ka hare ho, ho arolelana kantle ho, ho arolana ka(maq. 156, 157).
- 2) Hlalosa kamoo Kopano e leng ntho e bohlokoa-hlokoa, ebileng e hlokahalang haholo bopaking ba kereke (maq. 167-170).
- 3) Hlalosa kamoo kopano e thehiloeng le ho its'etleha ka kamano (Maq. 181-184).
- 4) Hlalosa kamoo ts'abo ea ho ipolela e sitisang kopano ka teng (maq. 188-190).
- 5) Sebelisa taba ea '**mele o le mong** oa Krete ho akofisa le ho matlafatsa kopano le bongoe Kerekeng (Maq. 199-200)
- 6) Ho 1 Bakr 11:27 polelo ee, "mokhoa o sa ts'oanelehang" e bolelang (maq. 203-205)?

### Lipotso tse ka lebelloang, Limaraka li 10

- 1) Ka bokhuts'oanyane, hlalosa e ngoe ea "makunutu" a kopano kerekeng ea pele (maq. 157-159).
- 2) Bolela Mangolo a mararo a fanang ka litaelo tsa "ba bang ho ba bang" (leq. 165).
- 3) Ka bokhuts'oane, hlalosa lintlha tse bonts'ang taba ea hore lentsoe "mohalalelli" kamehla le sebelisoa bongateng (leq. 171).
- 4) Moelelo oa "koinonia" ke o fe (maq. 179-180)?
- 5) Bolela o be o hlalose ka bokhuts'oane, lits'ita tse peli tsa kopano (leq. 185).
- 6) Bolela lits'abo tse tharo tse sitisang kopano (maq. 185-188).
- 7) Ka bokhuts'oane, a ku hlahise maikutlo a hau malebana le polelo ena: "Ha re hloke ho bopa kopano. Re se ntse re le kopano. (leq. 192)."
- 8) Hlalosa "boikhabo le boits'eko ba mehlobo" (maq. 194-195).
- 9) Sebelisa Bae 2:11-22 ho ema khahlanong le moea oa boahloli le bonyefoli ho ba bang (leq. 199).
- 10) Hlalosa metheo ea likhaohano Kerekeng ea Korinthe (maq. 201, 202).
- 11) Polelo ee "a se khetholle hore ke 'mele" e bolelang ho 1 Bakr 11:29 (leq. 206)?
- 12) Tharollo mathateng a tisoang ke boikhabo le boits'eko ba mehlobo ke e fe (p. 207)?

# KOPANO EA KEREKE

## I. Selelekela.

Notes —

### A. Matla a Kopano (Karolelano le ho tla Hammoho).

1. Ka Ntoa ea II ea Lefats'e, Bo-ramahlale ba Adolph Hitler ba ile ba etsa liphuphutso malebana le mofuta oa kotlo kapa tlhokofatso bakeng sa bats'oaruoa ba hae.
  - a. Ba ile ba fumana hore ho beha motho ka mong (ho motlosa le ho moarola ho ba bang) ke mokhoa o matla oa tlhokofatso. Kamor'a libeke tse 'maloa tsa ho lula bo-mong, banna ba bangata ba ne ba ba tumellanong le sera.
  - b. 'Kopano' ke Lentsoe le bolelang "Karolelano le ho tla hammoho."
  - c. Tlhoko ea botho ea kopano e kholo, ebile e phahame haholo. Hantle-ntle, kopano ke ntho e kholo ho feta tlhoko feela. Ke karolo ea mathomo, e thehang bophelo ba motho. Re lokela ho ba le kopano le phelisano le batho. Kantle ho kopano le phelisano le batho, re tla shoa.
    - 1) Liphuphutso li bonts'a hore, masea a sa fuoeng lerato hantle, a ameha hampe-mpe ke hoo ho feta ho fokola ha lijo.
    - 2) Lesea le ka phela nako e telele ntle ho lijo, empa ha a khone ho phela nako e telele ha a sa fumane lerato le tlhokomelo ea batsoali.
2. Ho phelisoa boinots'ing/bo-mong (ho fokola ha karolelano le ho ba 'moho le ba bang) e hlalisa phokolo. Mots'oaruoa o oela molekong e be o furalla boleng ba bots'epehi ba hae ho sechaba sa habo.
  - a. Ka tsela ena, Bakreste ba hlohang kopano ea semoea le bakreste ba bang, ba tla fokola haholo, 'me ba hloke matla. Ba tla qetella ba lahlile le ho furalla tsela ea khalalelo ba oele melekong ea sera.
  - b. Ho Bakreste, kopano le ba bang ke ntho e fetang tlhoko hole. Ke e ngoe ea likarolo tsa motheo tsa bophelo ba Bokreste. Kantle ho eona, Bokreste bo ke ke ba phela, hobane ka ntle ho kopano, Bokreste bo ke ke ba khona ho pheloa ka botlalo.

# KOPANO EA KEREKE

## Notes

- c. Tumelo e bolaoa ke ha ba lumetseng ba se na kopano le ba bang. Ha ho Mokreste a ka khonang ho ema a le mong. Molimo o bopile **batho** ba Molimo e seng **motho** oa Molimo. Morero oa hae ke ho ba le **lelapa**, e seng motho ea **phelang** a 'nots'i

### Ntlha ea Puisano

Etsa puisano e khuts'oane ka maemo a kotsi a hlalisoang ke ho ba mong ha Mokreste, boela o bonts'e hore na kopano le Bakreste ba bang e thusa ho hlola le ho qoba maemo ao a kotsi joang.

## B. Lintlha tsa Thuto ena.

1. Joalokaha re boletse pejana, kopano ke tlhoko Kerekeng, empa hona ha ho bolele hore kaha e le tlhoko, kopano e se ntse e le teng kerekeng kapa ho bobebe ho phela ka kopano.
2. Ho tloha qalehong ea kereke, re elelloa hore bophelo kahar'a lelapa la Molimo ha bo pheloe ka tsela eo ho lebeletsoeng ka eona ka ho fella. Ha ho bobebe ho phela kahar'a lelapa le lekaalo e be phelisano e lula e le ntle le litho tse ling.

### Maikutlo a Sengoli:

**Hona le boleng ba 'nete kahar'a  
mantsoe a thoko ena:**

**Ho lula bophahamong le bahalaleli  
bao re baratang, Oho, hoo e ka ba  
tlotla e kakaang.**

**Empa ho lula botlaaseng le bahalaleli bao re  
ba tsebang, kannete hoo ke ntho e ngoe e  
fapaneng.**

# KOPANO EA KEREKE

3. Thuto ena e arotsoe likarolo tse tharo:

- a. Boithuto bo bokhuts'oane ba kopano le khokahano ea balumeli ba Kereke ea pele.
- b. Boithuto bo pharaletseng ka seo Bibe e se rutang ka kopano. Re tla tsepama haholo lihloohong tse tharo:
  - 1) **Tlhoko** ea Kopano ea Kereke.
  - 2) **Boleng** ba kopano ea kereke.
  - 3) **Ho se tsotelle** kopano ea kereke.
- c. Ho etsa kamahanyo ea mekhoha le melao ea kopano ea kereke le mathata a boits'eko le boikhabo ba mehlobo ea Africa kahar'a kereke ea Africa. Mona re tla sheba le kamoo taba ea Kopano ea Kereke e ka bang pheko bakeng sa boloetse ba semoea bo tloaelehileng kahar'a Kereke e litikolohong tsa mehlobo e its'ekang le ho icheba bo-eona feela.

Notes —

## II. Kopano Kerekeng ea pele.

### A. Bopaki ba Kopano.

1. Lucian (120-200 A.D.) e ne e le sengoli se tummeng haholo sa Mogerike, nakong ea Kereke ea pele. E ne e se Mokereste, empa ha a bona kopano le khokahano e matla e mahareng a Bakreste, o ile a ngola mantsoe a latelang:

“Ho a hlolla ho bona botle le molemo o tlitsoang ke thusano eo batho ba bolumeli boo ba e etsetsanang litlhokong tsa bona. Ha ba its'ihle letho. Motsamaisi e moholo oa bona, o behile ka likelellong tsa bona hore ke baena, ke bana ba motho.”<sup>1</sup>
2. Lucian o ne a sa lumela Bokresteng, a bile a ntse a na le lipelaelo tse itseng ka Bokreste, empa o ile a sitoa ho iphapanyetsa 'nete ea hore Bakreste bana ba tlamahane e le kannete.
3. Tlamahano ena e neng e le pakeng tsa Bakreste e ne e le bopaki bo boholo ba kereke ea pele. Re lokela ho ipotsa kajeno: “E be tlamahano le kopano e likerekeng tsa rona e fana ka bopaki bo botle ho ba sa lumelang?”
4. Re tla bona hamorao thutong ena, tlamahano/kopano le ho evangela li amana haholo.

# KOPANO EA KEREKE

Notes —

## Ntlha ea Puisano

Na kopano/tlamahano e likerekeng tsa rona e fapane le tlamahano e neng e le kerekeng ea pele? Haeba ho joalo, u nahana ho fetohileng eng, ke hobaneng ho nang le phethoho?

### B. Karolelano Kopanong.

#### 1. Ho arolelana **kahar'a**.

- a. Bakreste bana ba Kereke ea pele ba ne ba utloisisa hore kopano le tlamahano ea bona le Molimo, e ne e le oona mohloli oa kopano le tlamahano ea bona (1 Jahan 1:1-4).
- b. Kopano, tlamahano le kutloano e ne e thehiloe tumelong e le **ngoe**, bomolimong ba Jesu Kreste.
- c. Ba ne ba na le litumelo tse **ts'oanang** tseo ba neng “ba li arolelana mahareng a bona.” (Bala Jud 3 le Tit 1:4).

#### 2. Ho arolelana **kantle ho**.

- a. Bakreste ba Kereke ea pele ba ne ba boetse ba na le lintho tse ts'oanang tseo ba neng ba li “arolelana kantle.”
- b. Ba ne ba fana ka evangeli e ts'oanang (Luk 5:10).
- c. Ba ne ba na le boikarabello bo **ts'oanang** boo ba ho arolelana tseo ba nang le tsona le bahlokang.

# KOPANO EA KEREKE

## 3. Ho arolelana **ka**.

Notes —

- a. Bakreste ba kereke ea pele ba ne ba “arolelana ka” maikarabello le likamano (bala Baf 4:15 le Bar 15:27).
- b. Bala Bar 1:11, 12.
  - 1) Ho ne ho na le phanano ea kamano kahar’a tikoloho ea Bokreste.
  - 2) Lentsoe la bohlokoa boemong bona ke “ba bang ho ba bang” (lentsoe la Segerike ke “alaython”). Phelisano Kerekeng e ne e thehiloe holima lethathamano la litaelo tsa Testamente e Ncha tse neng ling kenyeletsa lentsoe lena.
  - 3) Bakreste ba ne ba lokela ho etsetsana lintho tse itseng “e mong ho e mong.” Ba ne ba lokela ho fana le ho amohela. Ba ne ba lokela ho arolelana. Re tla ithuta ka litaelo tsa “setho se seng ho se seng” ka botebo hamorao thutong ena.

## C. Likarolo tsa Mantlha tsa Kopano ea Kereke. Mofuta oo oa Kopano o ne o khonahala joang Kereke ea Pele?

1. Bakreste bohle e ne e le lipaki.
  - a. E ne e le ntho eo ka kakaretso e amohelang, ebile e utloisisoa hore Mokreste ke paki. Ketso ena e neng e tloaelehile haholo ea “ho paka”, ea ho fana ka bopaki bo phatlaletseng ka Krete, e ile ea hahla likamano tse matla, tse tebile pakeng tsa Bakreste.
  - b. Hona e ntse e le ‘nete le kajeno. Kamano kerekeng e matlafatsoa ha Ho Evangela e le khubu le tsepamo ea litho tsa kereke.

Beha Mohlala oa Hau

# KOPANO EA KEREKE

## Notes —

### 2. Beng ba lithepa ba ile ba fetoha bahlokomeli.

- a. Ho ile ha ba le nchafalo ea kelello malebana le chelete le lithepa tseo batho ba neng ba na le tsona. Bakreste ba ile ba ba le kutloisiso ea hore Molimo ke eena mohloli oa lintho tsohle, ebile tsohle ke tsa hae. ba ile ba ipona bona e le bahlokomeli feela ba lithepa tsa nama, tse ts'oarehang, tseo batho ba iphelisang ka tsona. Ntho ena e ile ea ama le ho fetolela kamano ea bona botleng bo makatsang. Ho ne ho le bobebe ho bona ho arolelana lintho hobane ba ne ba ipona e le bahlokomeli feela.
- b. Hona e ntse e le 'nete le ka kajeno. Halelele ha re ipona re le bahlokomeli, ke halelele ho tla bang bobebe ho arolelana ka tseo re nang le tsona. Ho arolelana ke khubu le motheo oa Kamano.

Beha Mohlala oa hau

### 3. Boichebo le boitsotello ba botho bo ile ba lahloa ka baka la cheseho e ntle bakeng sa Jesu.

- a. Sefapano se ile sa ananeloa. Bakreste ba pele ba ile ba utloisisa hore bophelo ba Bokreste, ke bophelo ba ho inkela sefapano, le ho se jara letsatsi ka leng. Ba ile ba tela maphelo a bona. Ho bobebe ho arolelana le ba bang haholo ha o se o itetse.
- b. Ntho ena ke 'nete le kajeno. Sefapano se re lokolla ho ba le kamano ea 'nete. Ts'upo ea kamano e ho ba bang. Sefapano le kamano ke baena.



# KOPANO EA KEREKE

Beha Mohlala oa hau

Notes —

4. Ba ne ba phela ka kopano ea lihlopha tse nyane.
- a. Bakreste ba Kereke ea pele ba ne ba utloisisa hore kantle ho lihlopha tse nyane, kamano e ne e ka ba puo feela e se nang moelelo (e ne e ka ba maikutlo feela a se nang khato). Ba ne ba kenyetša likereke matlung a bona. Kamano ea bona e ne e le ea ‘nete, e bile e sebetsa ka katleho.
  - b. Hona ke ‘nete le kajeno. Ha re na khona hore re be le kamano e tebileng eo litaelo tsa Testamente e Ncha li e batlang e ba re ntse re le kahar’a batho ba makholo-khoho. Ka tsela e itseng, re lokela ho ba karolo ea sehlopha se senyane e le hore re tle re khone ho phelisana ka kamano ea ‘nete, e seng lipolelo feela.

## Ntlha ea Puisano

Sebelisa lintlha tseo re seng re li ts’ohlile ho akofisa puisano ka likarolo tsa mantlha tsa kamano: ho paka, bohlokomeli, ho itela, le kopano lihlopheng tse nyane.

# KOPANO EA KEREKE

Notes —

## III. Tlhokahalo, Boleng le Ho se tsotelle Kamano.

### A. Selelekela sa Karolo ea III.

#### 1. Bala Pes 133:1.

- a. Hobaneng Bakreste ba khethang ho se nke monyetla oa tlhohonolofatso le thabo ea Kamano?
- b. Mohlomong potso ea 'nete ke hore: "Na ehlile ke ntho e ka etsahalang hore Mokreste a sitise tlhohonolofatso le thabo ea Kopano? Na Kopano ke karolo ea boikhethelo bophelong ba Bokreste?"
  - 1) Karabelo ea Bibeletsoeng ena, ke 'Che'. Kopano ha se boikhethelo, ke taelo.
  - 2) Kahoo, Pes 133, e qetella ka lipolelo tsena: "ke moo Morena a fanang ka tlhohonolofatso ea hae teng."

#### 2. Ho chafatsa likelello tsa rona.

- a. Bakreste ba bang ba nahana hore mofuta oa kopano o bonoang kerekeng ea Testamente e Ncha ke karolo e "hlaaha, e fetelelitsoeng" haholo ea bophelo ba Bokreste.
  - 1) Leha ho le joalo, Testamente e Ncha, ha e supe hoo. Lipale tsa mofuta oona oa Bokreste li bonts'oa ka mokhoa oo li hlileng li neng li etsahala ka teng. Mofuta oa Testamente e Ncha oa Kopano, e ne e le bophelo bo "tloetsoeng, ba letsatsi le letsatsi, bo bononolo", e seng o "hlaaha kapa o fetelelitsoeng joalokaha batho ba bang ba hopola."
  - 2) Mohlala, Liketso 2:44 e bonts'oa ka mokhoa o bonolo, oo lintho li neng li etsahala ka oona. Ha ho bonahale e ka kopano le khokahano ea Bakreste e ne e susutlelloa. E ne e le kopano le khokahano e neng e tsoetsoe ke kutloisiso ea hore joale re se re tsoaletsoe lapeng le le leng.

# KOPANO EA KEREKE

## Mohlala oa Sengoli:

Ha ho etsahale hore mohlankana a ka re ho khaitseli ea hae: “Ha re leke ho hlopha lelapa. Re ka thusa hore ‘m’e, ntate, bana ba bo-rona ba hahe lelapa.”

Lelapa ha se ntho e thehoang le ho hahoa kapa ho rokoa litsekana, empa ke ntho e hlotsoeng ke Molimo ka sebele.

Ntate o botsa morali: “Na u thabela taba ea hore Billy ke ngoaneno?”

Morali oa araba: “Nete ke hore, ha ke na boikhethelo, ke ngoaneso.”

Notes —

Beha Mohlala oa hau

# KOPANO EA KEREKE

## Notes —

- b. Likelello le mehopolo ea rona e lokela ho nchafala malebana le malapa a rona a semoea.
  - 1) Kopano, khokahano le phelisano ea bongoe, ha se ketso ea boikhethelo kerekeng. Ke tebello, hona ke hore, ke ntho e lokelang ho ba karolo ea bophelo ba kereke
    - a) E hlokahala ho ba teng bakeng sa ho utloa le ho khahlisa thato ea Molimo.
    - b) E hlokahala ho ba teng bakeng sa kholo ea kamano ea hau le Molimo.
  - 2) Karolelano eo re e bonang kopanong ea Kereke ea Testamente e Ncha, ha ea “feteletsoa.”
    - a) Empa ‘nete ke hore, haeba kopano ena e bapisoa le kopano eo lefats’e le e hlalosang, ena ea kereke ea pele e hloma e ka ke ketso e feteletsoeng, e hlaha.
    - b) Leha ho le joalo, ha re e bapisa le tebello ea Bibeletse, ke ntho e bobebe e tloaelehileng.
  - 3) Litho tsa Kereke li lokela ho nchafatsa likelello tsa bona ho utloisisa le ho amohela litebello tsa ho phela e le karolo ea lelepa. Lelepa le ba le nako ‘moho, hape le arolelana lintho. Litho tsa lelepa, li arolelana bophelo ba bona ‘moho.

### Ntlha ea Puisano

Bua ka tlhoko ea kopano, o boele o bolele lits’ita tse thibelang kopano le khokahano ea ‘nete kerekeng ea hau ea lehae.

## B. Tlhokahalo ea Kopano le khokahano.

- 1. Kopano ke **tlhoko le tebello** e kholo bakeng sa bophelo bo atlehileng ba Bokreste. Ke **ntho ea pele** bophelong ba Bokreste.

### a. Tlhokahalo.

- 1) Ralph Martin, bukeng ea hae e bitsoang The Family and the Fellowship, o re:

“bophelo bo bocha ho Krete bo hloka kopano le khokahano bakeng sa ho bo boloka le ho bo holisa. Bophelo ba Bokreste bo bobebe feela ka kamano ea kenano eo re hlokanang ho e boloka, e bileng e re memelang ho nka karolo ka matla.”<sup>2</sup>

# KOPANO EA KEREKE

- 2) Ho Baefese 4:15, 16, Paulosi o bonts'a hore 'Mele oa Krete ke eona koloi ea kholo ea Bakreste.
- 3) Taba ea 'Mele oa Krete e hloka kopa-kopano (kenano) pakeng tsa litho tsa oona tse fapakaneng (Loiprov 27:17).
- 4) Taba ea 'Mele oa Krete, e lumellana le taba ea ts'ebeliso 'moho, ts'oarisano kapa tjarisano.
  - a) Tjarisano ke ketsahalo e hlalisoang ke boleng bo holimo ho feta matla a karolong ka ngoe ea tse jarisaneng (Moekl 4:9-12).
  - b) Ke ho hlalisoang ke ts'ebeliso 'moho ea moevangeli le moruti. Bosebeletsi ba bona bo kopaneng, bo matla ho feta besebeletsi ba motho a le mong. Ba tlatsetsana besebeletsing.
  - c) Tjarisano e hloka kopano.

Notes —

**Beha Mohlala oa hau**

# KOPANO EA KEREKE

## Notes —

- 5) Kereke ke kopano-‘moho ea “ba bitsitsoeng.” (hona ke phetolelo e otlohileng ea lentsoe la sekherike bakeng sa kereke e leng ekklesia, Testamenteng e Ncha.)
- a) Ha Paulosi a re “ba bitsitsoeng” ho Baefese 4:1, hona ho malebana le litaeo tse ngotsoeng karolong ea 4:2.
- b) Bala Bae 4:2.
- (1) Ho biletsoa (ho ba karolo ea Kereke) ho kenyeletsa kenano le kopano le ba bang “ba bitsitsoeng, kapa ba khethiloeng.”
- (2) Kopano le khokahano e ba tlhokahalo le tebello ha re ehlloa boleng ba litaeo tse ngata tse fuoang kereke.
- (3) Joalokaha ho bonahala ho Baefese 4:2, litaeo tse ngata bakeng sa kereke, li amana haholo le “ba bang ho ba bang”. Ke litaeo tse kenyeletsang ho etsa lintho bakeng sa ba bang ho ba bang.

### Ntlha ea Puisano

Ithute sets’oants’o sena se bonts’ang litaeo tsa “ba bang ho ba bang” Testamenteng e Ncha. Sebelisa sets’oants’o sena ho qholotsa baithuti. A ku ba botse hore na e feela ba etsa lintho tseo ba lebeletsoeng ho li etsa e le Bakreste. Ba hopotse hore taao ea “ba bang ho bang” e hloka ts’ebeletso le bophelo ba kopano le khokahano.

# KOPANO EA KEREKE

LITAEO TSA “BA BANG HO BA BANG”	TEMANA
Ratananag	Bar 12:10
Hlomphanang	Bar 12:10
Utloanang	Bar 12:16
Amohelanang	Bar 15:7
Eletsanang	Bar 15:14
Lumelisanang (sesupo sa thatano le kamohelano)	Bar 16:16
Emelanang (ho elana hloko le ho hlomphana)	1Bakr11:33
Hlokomelanang	1 Bakr 12:25
Sebelelsanang	Bag 5:13
Jarelanang Mefokolo	Bag 6:2
Khothatsanang le ho matlafatsana	1Bathes 5:11
Phelisanang ka khotso	1 Bathes 5:13
Etsetsanang tse Molemo	1 Bathes 5:15
Mamellanang	Bae 4:2
Rekolohelanang	Bae 4:32
Ikokobetseng e mong ho e mong	Bae 5:21
Ts’oarelanang	Bae 4:32
Bolellanang lits’itso	Jak 5:16
Le rapellane	Jak 5:16
Ratanang	1Petr 1:22
E mong le e mong a amohele baeti	1Petr 4:9
Ikokobetseng e mong ho e mong	1 Petr 5:5
Phelisanang	1Johan 1:7

Notes —

# KOPANO EA KEREKE

## Notes —

6) David Watson, bukeng ea hae e bitsoang Called and Committed, o re:

“Phelisano ea mofuta oona, e ne e le matla ebile e le ea mathomo bakeng sa Bakreste mongoaheng oa pele, hoo pholoho kante ho kereke e neng e le ntho e thata.”<sup>3</sup>

a) Boitlobetso ba mofuta oona kopanong, bo ileng ba etsa boikutlo bo tebileng ba ntho e ncha, e fapananeng.

(1) Kopano le phelisano, e ne e le ntho e bonoang ke bohle, ebile e le ntho e hlokahalang bakeng sa Kereke.

(2) Kutloisiso ea barutuo ba pele ea “kereke” e ka be e ile ea senyeha ha ho ne ho se kopano le khokahano e matla.

b) Tlhoko ea kopano, kerekeng ea pele, e bonahatsoa ho 1 Bakr 5.

(1) Ho behelloa ka thoko ho phutheho, e ne e le kotlo e bohloko ka ho fetisisa.

(2) Hore mofuta oona oa kotlo o atlehe, kopano e ne e lokela ho ba teng. Ke ntho e lebeletsoeng haholo.

### **Ntlha ea Puisano**

Sebelisa lintlha tse malebana le tlhokahalo ea kopano ho akofisa puisano le ho araba lipotso.



# KOPANO EA KEREKE

## b. A Ha Mantlha.

Notes —

- 1) Howard Snyder, bukeng ea hae e bitsoang The Community of the King,<sup>4</sup> o bonts'a linnete tsa Bibeletse latelang, tse lokela ho etsa Kopano taba ea mantlha:
  - a) Taba ea sechaba sa Molimo.
  - b) Mohlala oa Krete le Barutua ba hae.
  - c) Mohlala oa Kereke ea Pele.
  - d) Lithuto tsa Jesu le tsa Baapostola.
- 2) John Wesley (mothehi oa lekhotla la Methodist) o ile a theha lihlopha tse nyane a ipapisitse le lintlha tsena tse 'ne tse ka holimo. Likopano li ne li nkoa e le tsela ea litsoseletso tse ileng tsa hlaha lekhotleng leo.
- 3) Howard Snyder o bonts'a hore Jesu o qetile nako e ngata ho hlophisa phelisano ea barutua ho feta ho shomaela evangeli. Ehlile, kopano e lokela ho ba khubu ea maphelo a Bakreste.

### Ntlha ea Puisano

Sebelisa lintlha tse ka holimo ho bua ka mekhoha e ka etsang hore kopano e be ntho ea mantlha, e tlang pele.

2. Kopano ke ntho e **bohlokoa-hlokoa** bophelong ba Kereke. E **bohlokoa** bakeng sa bopaki ba Kereke.
  - a. **Bohlokoa-hlokoa.**
    - 1) Kereke ke lekhotla leo Jesu a tsoelang-pele ho sebetsa ka lona lefats'eng.
    - 2) Kopano ha se feela mojaro o mong o lokeloang ho jaroa.

# KOPANO EA KEREKE

## Notes —

3) Kopano e kare linoko le manonyeletso a kopanyang litho tse fapaneng tsa ‘mele ‘moho.

a) Ha ho se linoko, ‘mele o ke ke oa kopana le ho matahana hantle. Ha ho se kopano, Kereke ea oa, e ea qhalana.

b) Hore ‘mele o lule o sebetsa hantle, litho li lokela ho lula li hokelane. Hore kereke e sebetse kamoo e lokelang ka teng, litho li lokela ho lula bongoeng. Li lokela ho hokelana. Hona ho etsoa ka kopano.

### Beha Mohlala oa hau

#### b. Bohlokoa.

1) David Watson o re:

“Re phela nakong eo e kang botho ha se ntho ea bohlokoa, ‘me ho bolutu haholo. Ho feta lintho tsohle, kereke e lokela ho boetse e ts’oara moelelo oa tikelohlo ea bongoe kahar’a Bakreste.”<sup>6</sup>

a) Ntlha ea Watson e hlakile haholo. Kereke e na le monyetla o moholo. Lefats’e le sihile batho ba bangata ba le bolutu, ba bile ba lapetse kopano ea ‘nete haholo

b) Kereke ke eona feela ntho e ka koalang sekheo maphelong a batho.

# KOPANO EA KEREKE

## 2) Kenano le Boevangeli.

Notes —

- a) Kenano/kopano, ke sepheo-kholo sa ho evangela.
  - (1) Tsepamo ha e haholo tabeng ea ho sokolla batho. Ebile ha tabeng ea ho etsa barutuo haholo. Sepheo sa mantlha sa ho evangela, ke ho tlisa batho ba bang lapeng la Molimo. Ke ho tlisa batho ba bang hore e be karolo ea 'Mele oa Krete le kopanong ea 'Mele oo.
  - (2) Jesu o tlile ho haha kereke ea Hae. O tlile ho tla theha sechaba (tikoloho ea phelisano) sa Molimo. Kannete-nete, hona e lokela ho ba sepheo sa rona sa mantlha le motheo oa ts'usumetso ea rona bakeng sa kholo ea kereke e rutoang **Bibeleng**.
- b) Kopano ke motheo oa ho evangela.
  - (1) Re lokela ho ba le seo re se fang batho.
  - (2) Watson o re:  
"Ntle le hore 'Muso oa Molimo o bonahatsoe likamanong tsa rona tsa lerato, ha re hlile ha re na seo re ka se bolellang lefats'e le sa lumeleng, le ferekaneng."<sup>7</sup>
  - (3) Johanne 13:35 e bonts'a hore ha re ratana, hoo ke bopaki lefats'eng hore re bana ba Molimo.
  - (4) Boleng ba rona (le bonnete ba evangeli) bo its'etlehile ka mokhoa oo re ratanang ka oona.
    - (a) Ha lefats'e le sa bone mokhoa oo re ratanang ka oona, ba ka amohela molaetsa oa rona oa lerato joang?
    - (b) Molimo ke boraro bo halalelang, 'me Boraro bo halalelang bo phela ka bongoe.
    - (c) Ha kereke e batla ho bonts'a Molimo oa bongoe, e lokela ho bonts'a moea oo oa bongoe.

# KOPANO EA KEREKE

Notes —

## Mohlala oa Sengoli:

Khoebo e sieo, ha e etse lipapatso.

Ho evangela ntle ho tikoloho ea phelisano, ho ts'oana le ho etsa papatso ho se khoebo.

Moreki o hoheloa ke khoebo ka baka la lipapatso. Leha ho le joalo, ha a fihla sebakeng sa khoebo, a fumana e le sieo, papatso eo ke thetso.

Ka bomalimabe, ntho e ts'oanang e na le ho etsahala Bokresteng. Molumeli e mocha o utloa evangeli, e be o khahloa le ho hoheloa ke kereke. Leha ho le joalo, ha a fihla kahar'a kereke, o fumana hore, lelapa la Molimo, leo e neng e le karolo ea "papatso le phatlalatso" (ka ho evangela) le ea bata ebile ha le na tsotello. Hoa utloisiseha hore a ka 'na a hoelehetsa ka ho makala, '**papatso ea leshano.**'

## Beha Mohlala oa hau

### Ntlha ea Puisano

Hlalosa kamoo kopano e leng bohlokoa ka teng bakeng sa bophelo ba kereke, le hore na e bohloka hakae bakeng sa bopaki ba kereke. Araba lipotso tse ka hlahang.

# KOPANO EA KEREKE

3. Kopano e ea **bonts'oa** lentsoeng la Molimo, 'me ke **karolo** ea morero oa Hae.

Notes —

a. **Ponts'o.**

- 1) Testamenteng e Ncha, Bibe e bitsa balumeli “bahalaleli.”
  - a) Makhetlong a 62 ao lentsoe lena le sebelisitsoeng, makhetlo a 61, le sebelisitsoe ho supa bongata.
  - b) Ho hloma e ka phapang ea lekhetlo le leng e hlaha ho Baf 4:21. Empa le moo moelelo o ntse o supa bongata.
- 2) Bibe e bua ka bongoe ba balumeli. E sebelisa lentsoe lena ho supa bongata ba sechaba sa Molimo.
  - a) Bibe e supa hore sechaba sa Molimo ke sehlopha, e seng motho-mong.
  - b) E supa hore Kereke ke tikelohlo ea kopano, e seng motho oa pholo ea seemanosi.

- b. **Karolo.** Kopano ke karolo ea morero oa Molimo bakeng sa seo re leng sona, e hlalisoa ka mekhwa e meraro.

- 1) Kopano ke karolo ea seo re leng sona popong le tlholehong.
  - a) Bala 1:26.
    - (1) Hlokomela hore re entsoe ka sets'oants'o sa “**Rona.**”
    - (2) 'Nete ke hore, “Rona” e supa Boraro bo Halalelang. Hopola, boraro bo Halalelang bo hahiloa ka kopano le bongoe. Boraro bo halalelang, ke ponts'o ea kopano e phethehileng. Ho etsoa ka sets'oants'o sa “Rona”, ke ho boptjoa ka sets'oants'o sa kopano e phethehileng.

# KOPANO EA KEREKE

## Notes —

b) Hajoale bala Gen 1:27.

- (1) Kaha tsena tsohle e le 'nete, kahoo motho o entsoe e le kopano. Ho entsoe e motona le e mots'ehali.
- (2) Monna, ha a le mong, o ne a sa fella. Kahoo, Molimo o ile a etsa tikoloho kapa kopano e bonolo (ea lenyalo).
- (3) Kannete, kopano ke seo re leng sona ho tloha qalehong. Re entsoe re le batho ba lokelang ho phelisana. Boela o hopole phuputso eo re ileng ra bua ka eona ea lingaka hore, lesea le sa fuoeng lerato le kananelo, le siuoang le le 'nots'i libeke, le ka shoa leha le ntse le fuoa lijo.

2) Kopano ke karolo ea seo re leng sona ho Oeng ha botho.

- a) Ho tloha popong le tlholehong, motho ke sebupuo se lokelang ho phelisana le ba bang, leha ho le joalo, nakong eo motho a neng a Oela sebeng, lintho li ile tsa sotheha, tsa fetoha le ho thunthetseha. O ile karohano e ile ea qaleha.
- b) Leha ho le joalo, kopano ke karolo ea seo re leng sona ho Oeng ha botho sebeng hobane khokahano e teng ekasitana le linthong tse mpe, tse ileng tsa tsoaloa ke sebe, lintho tseo re ts'oanang ho tsona.
  - (1) Bohle re baetsalibe (Bar 3:23).
  - (2) Tharollo e ngoe feela bakeng sa bohle (Johan 14:6).
  - (3) Kahoo, re na le **bothata** bo ts'oanang, ebile re na le **tharollo** e le ngoe.
  - (4) Hona ke motheo oa kopano (bala 1 Bakr 10:17). Taba ena ke 'nete le lefats'eng.

# KOPANO EA KEREKE

## **Mohlala oa Sengoli:**

Litokoloho kapa lihlopha tse matla tsa batho, li mabapi le bothata bo ts'oanang le tharollo e le ngoe.

'M'e Khahlanong le Moqhobi ea Tahiloeng. (Ke lenaneo le entsoeng ke 'm'e oa ngoana ea ileng a bolaoa ke moqhobi ea neng a tahlloe.)

Lihlopha tsa lihloela tsa lehae khahlanong le botlokotsebe le bobolu(mahokela; Lihlopha tse thehetsoeng ho thibela botlokotsebe le bobolu libakeng tsa lehae).

Ma-Russia le Ma-America ba ile ba kopana ho sebetsa 'moho ntoeng ea I le II hobane ba ne ba na le bothata bo ts'oanang, sera se le seng e leng Hitler, le tharollo e le ngoe e bitsoang "Tlholo ntoeng".

Haeba batho ba ka kopana ka lebaka le itseng, ha kakaang taba ee ea ho tlisa batho 'moho e lokelang ho bonoa Kerekeng. Re na le bothata bo ts'oanang, le tharollo e ts'oanang ea ho ananela bohlokoa ba bosafeleng, ha se bohlokoa ba nakoana feela.

Notes —

## **Beha Mohlala oa hau**

# KOPANO EA KEREKE

## Notes —

3) Kopano ke karolo ea seo re leng sona ho Krete.

- a) Sepheo sa mantlha sa Jesu ka balateli ba hae, e ne e le ho ba le kopano le bona.
- b) Ithute tatellano ea li-pheo ho Mar 3:14 (ho ba le bona, a nto ba romela ho bolela litaba tse molemo).
  - (1) Hlokomela hore tikoloho ea phelisano e tla pele ho boevangeli. Kopano le Jesu le ba bang, e tla pele, hobane tje kaha re se re bone, kopano ke motheo oa ho evangela.
  - (2) Hopola, ha Jesu a ne a ba biletsa **ho ba le eena**, ha a ka ba bitsa motho-mong. O ile a bitsa sehlopha sa batho. E, sehlopha sena se ne se tla arolelana tsohle. Ba ne ba na le kotla e le ngoe. Ba ne ba arolelana nako ea bona, thabo ea bona, mahlomola a bona, tlholo le mahloko a bona.
- c) Bala Johan 13:15.
  - (1) Jesu o ile a fana ka mohlala oa hore na tikoloho ea phelisano e lokela ho sebetsa joang. A nto bonts'a litho tseo (Eena) e le karolo ea tikoloho eo ea phelisano, hore le bona ba etse joalo ka eena.
  - (2) Jesu o hahile maikutlo a kopano, a bonts'a kamoo kopano e lokelang ho sebetsa ka teng (ts'ebeletso ea boikokobetso), a ba a khothaletsa batho hore ba phele ka phelisano le kopano. Hamorao, o ile a romela Moea, 'me Eena o ile a thusana hore phelisano le kopano ho tsoelapele.

### Ntlha ea Puisano

Sebelisa lintlha tseo re seng re li ts'ohlile ho akofisa puisano malebana le kamoo kopano e bonts'oang Lentsoeng, ebile e le karolo ea morero oa Molimo. Araba lipotso tsohle tse ka hlahang.



# KOPANO EA KEREKE

## 4. Qetello ea Tlhokahalo ea Kopano ea Kereke.

Notes —

- a. Re lokela ho pheta hore kopano le Molimo, e lokela ho ba motheo oa kopano le Bakreste ba bang (bala 1 Johan 1:3).
  - 1) Joalokaha kopano e tla pele ho boevangeli, ho tseba Molimo ho tla pele ho kopano ea kereke.
  - 2) Hona le tatellano e hlakileng litaelong tse kholo (bala Math 22:37-39).
- b. Ikhopotse thello ea lintlha tse fetileng.
  - 1) Kopano e-ea **hlokoa, e bile e lebeletsoe** ho litho tsa lelapa la Molimo.
  - 2) Hona ha se e ngoe ea litebello tse nyane. Ke **tlhoko e tlang pele**.
  - 3) E lokela ho ba ntho e tlang-pele ho tsohle hobane e bohlokoa-hlokoa bophelong ba Kereke.
  - 4) E **bohlokoa** bakeng sa kholo ea Kereke.
  - 5) E bohlokoa ebile ke tlhoko e kholo, hoo e boleloang kahar'a Lentsoe la Molimo.
  - 6) E bonts'oa Bibeleng hobane e le **karolo** ea seo re leng sona morerong oa Molimo.
- c. Kahoo, ho phethela karolo ena e bonts'ang tlhokahalo ea Kopano ea Kereke: Kopano e bohlokoa hobane ke ntho ea tlholeho. Kaha e le ntho ea tlholeho, ho lokela ho ba bonolo ho ba le kopano le khokahano le ba bang. Re karolo ea lelapa le le leng!

### Ntlha ea Puisano

Ka bokhuts'oane, bua ka maikutlo le ho araba lipotso tse amanang le tlhokahalo ea kopano ea kereke.

# KOPANO EA KEREKE

Notes —

## C. Boleng ba Kopano ea Kereke.

1. Selelekela sa Boleng ba kopano ea kereke.
  - a. Kopano ea Bakreste e lokela ho ba Kopano eo Krete e leng khubu ea eona.
  - b. E lokela ho ba karolelano ea bophelo ba Krete, bo ts'oauoang ka limelo tse tharo tsa mantlha.
    - 1) Bophelo ba Krete ke bophelo ba Sefapano. Kahoo, kopano ea rona e lokela ho amahanyoa le sefapano.
    - 2) Bophelo ba Krete e ne e le bophelo ba karolelano. Kahoo, kopano ea rona e lokela ho amahanyoa le ho arolelana (koinonia).
    - 3) Bophelo ba Krete, e ne e le bophelo ba kamano. Kahoo, kopano ea rona e lokela ho apapisa le kamano..
2. Kopano e amanang le Sefapano.
  - a. Sefapano se tlisa boitelo.
    - 1) Bophelo ba Jesu e ne e le bophelo ba boitelo, bophelo bo sa ichebeng bo-bona feela (Mar 10:45).
      - a) Ho tla ha Hae e ne e le ketso ea boitelo (Baf 2:6, 7).
      - b) Lefu la hae e ne e le sehlohlolo sa boitelo (1 Tim 2:6).
    - 2) Kantle ho boitelo, ho behella litokelo thoko, le boikhanelo, ho ke ke ha khoneha ho ba le kopano ea **Bo-Kreste**. Ho feta moo, re tla ba le tikeloho ea batho ba tsoakileng botho le bokreste.
      - a) Kopano ea Bokreste, ke kopano eo khubu ea eona e leng sefapano, e thehiloeng leratong la “agape” (la bomolimo) le se nang lipehelo. E ea ikhaha kaha e iphana.
      - b) Kopano ea botho ke kopano eo e seng ea sefapano, e thehiloe leratong la “phileo” (la botho) le nang le lipehelo. Ea ipolaea kaha e ipatlela tsa eona (kopano eo).

# KOPANO EA KEREKE



- 3) Tikoloho ea Phelisano ea Bakreste, e bonoa ka litho tsa eona, tse ikemiselitseng ho behella litokelo tsa tsona thoko bakeng sa ba bang.
- Hona ha ho hlakole 'nete ea hore re na le litokelo. Empa hona ho bolela hore, re ikhethela ho li tela bakeng sa kopano le khokahano le ba bang (bala Bakr 9:4-11, 12 le 2 Bathes 3:9).
  - Ha litokelo li ts'oarelletsoe ka thata, ho se boitelo, hoo ho etsa hore bosebeletsi, lerato, le kopano li lahlloe.

Notes —

**Beha mohlala oa hau**

**Ntlha ea Puisano**

Sebelisa sets'oants'o se latelang ho akofisa puisano malebana le kopano le boitelo.

KOPANO EA BOKRESTE	KOPANO EA BOTHO
	

:kahar'a Bokreste, kopano e ea hola hobane sefapano se ea hola. "phelisano le kopano ea sefapano" e lekana le tikoloho ea phelisano e matla. Ha boikhabo le boichebo bo shoa, bophelo ba kopano boa hola

Lehlakoreng la botho, kopano ea fokotseha kaha sefapano se fokotseha. "tikoloho e se nang sefapano" e ts'oana le phelisano e fokolang ebileng e se na matla le 'nete. Ha boikhabo le boichebo li hola, kopano e ea qepha. Kantle ho sefapano, kopano e ea shoa.

# KOPANO EA KEREKE

## Notes —

### b. Sefapano se tlisa bosebeletsi.

- 1) Kopano e amana le sefapano ka litsela tse peli. Litsela tsena ka bobeli li lokela ho utloisisoa le ho sebelisoa.
- 2) Haeba boitelo bo etsoa kantle ho bosebeletsi, hoo ho baka kotsi ea ho tsamaea ka tloaelo. Bokreste ha boa lokela ho emisa boitelong feela. Bo lokela ho tsoelapele ka bosebeletsi.
  - a) Tikoloho ea Bokreste, ke tikoloho e shebaneng haholo le “ba bang ho ba bang”.
    - (1) Ke tikoloho eo litho tsa eona li hlolisang ka ho etsetsana botle ka tlhomphano (Bar 12:10).
    - (2) Ke tikoloho eo litho tsa eona li nahanang ka ba bang ba le bohlokoa ho fetisa bona (Bae 2:3).
    - (3) Ke tikoloho e shebaneng haholo le botle ba ba bang. Ka holimo ho tsohle, litho tsena li lokela ho lula li hopola boikarabello ba tsona ho ba bang, le boikhethele ba ho beha ba bang pele.
  - b) Litho li etsisa mothehi oa bona ea ileng a bua mantsoe a ho Mar 10:45.
    - (1) Tikolohong ea mofuta oona, botsamaisi bo hahoa ka bosebeletsi.
    - (2) Khatello le ts’usutlello ha se karolo ea tikoloho eena.
  - c) Kahoo, popeho ea tikoloho eo e khethetse. Baetapele ba eona ke basebeletsi ba eona. Botsamaisi bo nka sebopeho sa bosebeletsi.

**Beha mohlala oa hau**

# KOPANO EA KEREKE

## Ntlha ea Pusiano

Notes —

Sebelisa lintlha tseo re seng re li ts'ohlile ho akofisa puisano e malebana le kopano le bosebeletsi.

### 3. Kopano e amanang le koinonia (karolelano).

- a. Lentsoe la Segerike “koinonia” ha le sebelisoe ho fihlela kamor’a letsatsi la Pentekonta. Ha sehlopha se kopane ‘moho ho Liketso 1 ho sebelisitsoe lentsoe le fapaneng la Segerike.
  - 1) Kamor’a letsatsi la Pentekonta, lentsoe “koinonia” le ile la sebelisoa ho hlalosa kopano ea Balumeli.
  - 2) Tsela e ngoe feela ea ho ba le mofuta oa kopano o hlokoang Testamenteng e Ncha, ke ho e amohela ka thuso ea matla a Moea, a netefatsoang ke maphelo a fetotsoeng.
- b. Lentsoe la Segerike “koinonia” le ka hlaloso e le “ho ba le lintho tsohle tse ts’oanang, ka ho ts’oana.”
  - 1) Re na le bothata bo ts’oanang le tharollo e ts’oanang (1 Bakr 10:17 e sebelisa lentsoe “koinonia”).
  - 2) Kutloisiso ea “boemo bona bo ts’oanang” ke motheo oa “koinonia”, ‘me hoo ke ts’usumetso ea ho ngoloa ha lengolo la Filemone.
  - 3) Khubu ea koinonia ke karolelano.
  - 4) Re arolelana tumelo (Tit 1:3), mohau (Fil 1:7), le pholoho (Juda 3). Lintho tsena li etsa motheo oa koinonia.

# KOPANO EA KEREKE

## Notes —

5) Ho arolelana lithepa e ne e se molao. E ne e le thahasello. E ne e sa etsoe tlasa khatello ea molao o itseng. E ne e etsoa e le monyetla o motle oa ho sebeletsa. (Bala Lik 2:43-47 le 4:32-35).

a) Maikutlo a Koinonia a phethehile. E kenyeletsa karolelano likarolong le mahlakoreng oohle a bophelo. David Watson o fana ka qholotso ena:

“Polelo ena e matla, e hlahisa ho se tebe ha likopano tsa kereke kajeno. Ho a hlolla ho bona hore “koinonia” e etsahala karolelanong ea chelete le lithepa, hangata ho feta neng kapa neng. Hona ho fana ka moelelo ho feta ho binoa ha lifela tse ts’oanang le phutheho feela ea kereke e itseng. E hloka boitolobetso ba maphelo a rona oohle, le tsohle tseo re nang le tsona bakeng sa ba bang.”<sup>8</sup>

b) Tikoloho ea Bokreste kajeno, e lokela ho iqholotsa le ho itlhahloba e ipapisitse le mantsoe a Liketso 4:32.

(1) Ho arolelana lithepa e ne e le ponts’o le ketso ea lerato. E ne e le karabelo e hlakileng ea tumelo ea ‘nete le kutloisiso ea ho ba karolo ea lelapa. Litho tsa lelapa li arolelana lintho. Li arolelana tsohle.

(2) Ho arolelana lithepa e ne e le kananelo le sesupo sa bongoe boo Bakreste ba pele ba neng ba bo tseba ka Krete, ka thuso ea Moea.

(3) Hore re phele ka kopano ea ‘nete, re lokela ho lumela hore bana ba bo rona ba na le litokelo tse lekanang le lintho tseo ntat’a rona a li behileng ho rona (bala Lik 4:32).

(a) Ketso ea ho arolelana lithepa, ha ea lokela ho susutlelloa. Ka bo eona, ha se qetello. Ebile ha se sepheo.

(b) Empa, ke karabelo ea kananelo ea ‘nete ea kamano ea ‘nete ea baena le likhaitseli, ba nang le ntate a le mong.

# KOPANO EA KEREKE

**Beha mohlala oa hau**

**Notes** —

## **Ntlha ea Puisano**

Sebelisa lintlha tse seng li ts'ohluoe ho akofisa puisano malebana le kopano le karolelano. Araba lipotso li fe le li fe tsa ka hlahang.

4. Kopano e amanang le kamano.
  - a. Lentsoe kamano, ke lentsoe le bonts'ang khokahano e tebileng, e teteang haholo. Moelelo oa lentsoe lena o lokela ho qoba ho se tebe, haholo mahareng a Bakreste. Ho lokela ho be le bonnete.

# KOPANO EA KEREKE

Notes —

## Mohlala oa Sengoli:

Bakreste ba bang ba nahana hore kamano e bolela feela ho ja ice cream 'moho. Mohlala, likerekeng tse ngata tsa America e Leboea, “kopano” e bolela feela ho ja ‘moho kamor’a ts’ebeletso ea Sondaha.

Ka nako e ngoe re nka nako e ngata ea ho ja ice cream hoo re hlokang nako ea ho thusa le ho arabela litlhoko tsa batho ba le metseng ba mahareng a rona.

## Beha Mohlala oa hau

- 1) Kopano ea Bokreste e lokela ho akofisa kamano ea botho, e tebileng, e bileng e leng ea ‘nete.
- 2) Re lokela ho emisa ho tsotella linthoana tse fokolang, tse se nang botebo likamanong. Re lokela ho tsebana. Re ka ba le mokhoa o mong joang oa ho utloelana-bohloko.
- 3) Kopano ea rona le Molimo e lokela ho teba. Re lokela ho bua le Molimo ho tsoa botebong ba lipelo tsa rona. kopano ea rona le ba bang, e lokela ho teba haholo.



# KOPANO EA KEREKE

b. E ngoe ea litsela tse potlakisang ts'enyō ea likamano tsa 'nete, ke ho amahanya likamano tsa rona le ho fihlella merero le mesebetsi e itseng.

Notes —

1) Re ke ke ra ba le likamano tsa 'nete, tse tebileng haeba feela lebaka la mantlha la ho kopana ke ho fihlella ts'ebetso e itseng kapa ho hlophisa ts'ebetso e ngoe.

2) Lebaka la mantlha la ho kopana ha rona, e lokela e be ho kopana le ho hokahana le Molimo, le ho kopana le ho hokahana le ba bang. Re lokela ho kopana 'moho re le baena le likhaitseli, bakeng sa ho bona botle ba e mong ho e mong ka ho batla botle ba Ntate.

3) Haeba lebaka la mantlha la ho phutheha ke bakeng sa ho fihlella moralo o itseng feela, re senya moelelo oa Evangelii. Tumelo e lateloang ke mesebetsi, e fetohela ho mesebetsi e lateloang ke tumelo.

a) Jesu o ne a batla kamano e tebileng le barutuo ba Hae. ha a ka a akofisa kopano e sa tebang, kapa "likamano tsa ts'ebetso."

b) Kotsi le tsietsi ea Bokreste ba batho ba phelang karolong e Bophirimela ea lefats'e, ke hore, thahasello eo Krete a neng a na le eona ea ho tlatsa kereke ka pelo ea lerato, e fetoletsoe ho tlatseng likereke ka lipalo.

(1) Liphuthehong tse ling tse kholo, re sitoa ho bona haeba 75% ea batho ba neng ba le teng phuthehong e fetileng, ba hlile ba tlohile ho hang. Ha re na bonnete ba hore ba teng ehlile ke ba bacha ka kakaretso.

(2) Taba-kholo ke ho tlala ha litulo(ho ba le palo e kholo ea batho), ho ena le ho tlatsa maphelo (ho tlatsoa ka Moea oa Molimo).

c) Hona ha ho etsahale kerekeng e utloisisang hore na kamano ea 'nete, e tebileng, e matla, na e hloka eng. Litho li lokela ho ba le kopa-kopano, ba khone ho arolelana maphelo a bona. Ha hoa lekana ho kopana bakeng sa ho arolelana mohaho feela.

# KOPANO EA KEREKE

Notes —

## Beha mohlala oa hau

### Ntlha ea Puisano

Sebelisa lintlha tse fetileng ho akofisa puisano malebana le kopano le likamano. Lebaka la mantla la phutheho ea lona ke ho fihlella merero e itseng kapa ke ho ba le boitsebelo ba likamano tse tebileng?

- c. Re ka akofisa le ho itsebela likamano tsa ‘nete joang likopanong tsa rona?
  - 1) Re lokela ho elelloa hore kopano ea Bokreste, ke ea ‘ba bitsitsoeng’, bao e leng litho tsa selekane. Selekane se pakeng tsa bona le Ntate, le pakeng tsa bona le ba bang.
  - 2) Re lokela ho tebisa le o hlakisisa selekane sena. Hore re khone ho etsa hoo, re lokela ho etsa selekane le sehlopha se senyane sa balumeli.
    - a) Sehlopha se senyane se bohlokoa haholo bakeng sa hore kopano e be e matla, ea ‘nete, e be le kamano e tebileng.
    - b) Ha re ka nahana hore re ka ba le kopano ea mofuta oona le batho ba 500, re etsa hore kopano e be ntho e thata, e se nang bonnete.

### Ntlha ea Puisano

Ka bokhuts’oanyane, bua ka lipotso le maikutlo a fe kapa a fe a ka hlahang malebana le boleng ba Kopano ea Kereke.

# KOPANO EA KEREKE

## D. Ho se Tsotelle Kopano ea Kereke.

Notes —

1. Lits'ita tse akaretsang tsa kopano.
  - a. Bomong (hona ke bofokoli bo boholo ba likereke tsa moea). E hana boteng ba kopano.
    - 1) Bomong bo ka thibela bokhoni ba rona ba ho sheba litlhoko tsa ba bang li le bohlokoa ho fetisa tsa rona (Baf 2:3).
    - 2) Bo ka thibela bokhoni ba rona ba ho jarelana mefokolo (Bag 6:2).
    - 3) Bo ka thibela bokhoni ba rona ba ho ikokobetsa e mong ho e mong (Bae 5:21).
    - 4) Bo ka thibela bokhoni ba rona ba ho hlolisana ka tlhomphano (Bar 12:10).
  - b. Ho tsamaisa lintho ka tsela e ts'oanang kamehla (Bofokoli bo boholo ba likereke tsa molao).
    - 1) E hana thello e bobebe ea kopano ka ho leka ho e tsamaisa kapa ho e susutlella.
    - 2) E leka ho etsa hore kopano e ts'oane kamehla, e tloaelehe.
2. Lits'abo tse khethehileng tse thibelang tikoloho ea phelisano.
  - a. Ts'abo ea boits'etleho bo feletseng.
    - 1) Moetlo oa Libaka tse bophirimela tsa lefats'e, o bua haholo ka boipuso, ba nka boits'etleho ka ba bang e le bofokoli.
    - 2) Lehla ho joalo, kopano ea 'nete ho latela Bibe, e amohela le ho thahasella boits'etleho ba e mong ho e mong lithong tsa 'mele oa Krete.

# KOPANO EA KEREKE

Notes —

## Mohlala oa Sengoli:

Nakong eo letsoho le rosang leoto seeta, ke nakong eo leoto le elelloang bohlokoa ba letsoho.

Leihlo le hloka molomo bakeng sa ho ja ntho e shebahalang e khahleha bakeng sa ho jeoa.

Ho elelloa le ho ananela bongoe liphaphanong kahar'a 'mele oa Krete, ho bohlokoa haholo bakeng sa kopano ea 'nete, le bakeng sa boevangeli le bopaki bo atlehileng.

## Beha mohlala oa hau

- 3) Jerry Horner, bukeng ea hae e bitsoang Living in the Family, o ngotse mantsoe a latelang:

“Ha Bakreste ka bo-mong ba ikokobeletsa ho fana le ho amohela ho ba bang, ba bona ba hlokana, bopaki ba kereke lefats’eng bo ke ke ba thibelo.”<sup>9</sup>

## Ntlha ea Puisano

Buisanang ka mathata a tlišoang ke ho hloka boikemisetso ba ho lumella kapa ho ananela ts’ebeliso le thusano ea ba bang ho ba bang.

# KOPANO EA KEREKE

b. Ts'abo ea boitolobetso.

Notes —

- 1) Kopano e se nang boitolobetso, e ts'oana le lenyalo le se nang likano. Ka bobeli, lintho tsena li ke ke tsa sematlela nakong eo lifefo li tlang ha ho se boitolobetso.
  - a) Lenyalo le hahiloa ka selekane le boitolobetso.
  - b) Monna le mosali, ha ba hloke ho lula baetsa liqeto maemong oohle hore na ba lokela ho thusana kapa che. Ba se ba entse qeto eo nakong eo ba neng ba theha selekane. Hoo ke hore, maemong oohle ao ba kopanang le oona, ba lokela ho thusana ho se boipotso
- 2) Re le Bakreste, re lokela ho itella ba bang.
- 3) Re lokela ho itolobeletsa Bakreste ba bang. Ka ho otloloha, re lokela ho etsa boitolobetso bo hlakileng, bo tiileng, bo otlolohileng, bo bonahalang sehlopheng se senyane sa Bakreste.
  - a) Re ke ke ra haha boitolobetso bona hobane ke ntho e seng e ntse e le teng. Re lokela ho e amohela le ho e phamolela holimo.
  - b) Ha re loanele ho itolobetsa. Re lokela feela ho inehella boitolobetsong ba e mong ho e mong.
  - c) Bakreste ba bang ba ka re: “Ha ke rate ho itolobeletsa bosebeletsi bona kapa ho inehela boikoetlisong bo itseng ba semoea.” Bonnete ke hore haeba batho ba joalo e le Bakreste, ba se ntse ba inehetse le ho itolobeletsa Bakreste ba bang ho tloha sethathong. Empa ke khetho ea bona ho amohela kapa ho hana boitelo boo.

**Beha mohlala oa hau**

# KOPANO EA KEREKE

Notes —

## Ntlha ea Puisano

Na moetlo oa heno kapa kholo ea hau e etsa hore ho be thata ho itolobetsa le ho boloka lilekane? A ko buisaneng ka bothata bona bo ts'oanang.

c. Ts'abo ea ho ipolela.

1) Ho ipolela libe ho ba bang (Jak 5:16) ke karolo e bohlokoa haholo ea kopano (joalokaha sena se bonoa se etsoa litsoseletsong tse ngata tsa kereke.

2) Ts'ebeliso ea lentsoe “kereke” li-evangeling, e hlaha e bonts'a ho bolela kapa phokolo ea ho bolela (kapa ho lokolla le ho tlama).

a) Bala Math 16:18 le 18:17.

b) Matla a kopano (Math 18:19) a boetse a bonoa ho boleleng kapa ho ipoleleng.

3) Dietrich Bonhoeffer, bukeng ea hae e bitsoang Life Together, o bonts'a hore:

“ea mong le sebe sa hae, o mong ka botlalo. Ka boipolelo, phunyeletso bakeng sa phelisano e ea etsahala.”<sup>10</sup>

a) Hona ke 'nete kamanong ea rona le Molimo.

b) E boetse ke 'nete likamanong tsa rona le ba bang. Maqhama a matla a kopano a etsoa ke ha re ipolela libe.

**Beha mohlala oa hau**

# KOPANO EA KEREKE

- 4) Bakreste ba phelang bomong le sebe sa bona ke ka baka la boitokafatso ba kereke nakong eo sebe se pepesoang
- 5) Hona le katamelo e sa lokang, e tletseng ka boikaketsi malebana le sebe likarolong tse ling tsa kereke.
  - a) Hangata, ha motho e mong a bolela sebe sa hae, ba bang ba qala ba mofuralla, ba sa kopana le eena. Hoo ke ketso e soto! Testamenteng e Ncha, ho ne ho se joalo. ke nakong eo motho a neng a hana ho bolela sebe sa hae batho ba bang ba neng ba ka se kopane le eena.
    - (1) Testamenteng e Ncha, balumeli ba ne ba utloisisa hore litho tsa kereke ke baetsalibe (1 Johan 1:8).
    - (2) ba ne ba utloisisa hore ba lokela ho ipolela libe tsa bona (1 Johan 1:9).
    - (3) Hape, ba ne ba utloisisa hore ba lokela ho ipolela libe ho ba bang (Jak 5:16).
  - b) Bofokloli sebopehong le katamelong, ke tholoana ea boikutlo bo fosahetsng ba boitokafatso.
    - (1) Re lits'ila. Jesu eena o hloekile ebile o lokile. Ke Jesu ea ka ho rona ea re etsang ho re loke le ho hloeka.
    - (2) Bohle ha ba ts'oaneloe ke khanya ea Molimo ekasitana le “boteng ba Jesu” maphelong a bona. Hoo ke hore, Bakreste bohle ba na le ho se lumelle Jesu ho tsamaisa maphelo a bona ka nako tse ling. Kahoo, Bakreste bohle ba na le ho etsa sebe ka linako tse ling.
    - (3) Ntho ena ha ea lokela ho re makatsa. Ha rea lokela ho imakatsa joalokaha e ka re lokile hoo re sa tsebeng taba ena. Bohle re baetsalibe, ‘me re lokela ho ipolela libe tsa rona.

Notes —

# KOPANO EA KEREKE

Notes —

## Beha Mohlala oa hau

### Ntlha ea Puisano

U arabela joang ha motho e mong a ipolela sebe ho uena? Na u nahana ka tsela e fapaneng ka bona ka baka la sebe sa bona? Na kahar'a kereke ea hau hona le bolokolohi ba ba ipolelang? Na u ikemiselitse ho akofisa boipolelo ba libe haeba ho hlokahala?

- 6) Ho fihlela re tlosa bommampokisi ba lifahlehong tsa rona (re emise ho pata mefokolo le liphoso tsa rona), ebe re amohela taba ea hore re na le boleng ba sebe, re ke ke ra khona ho etsa monyetla oa kopano e nang le ponaletso kerekeng. Re ke ke ra khona ho bolellana lits'itso.

- a) David Watson o bua mantsoe ana a 'nete:

“kopano ea 'nete e tlosoa ke ha Bakreste ba emisa ho amana le ho atamelana e le bahalaleli ba lokileng, eba ba amohelana e le baetsalibe ba sa lokang.”<sup>11</sup>



# KOPANO EA KEREKE

- b) Lithuto tse ling li re ho ipolela libe ke ho latola tumelo.
- (1) Lithuto tse feteletsang litaba tse kang tsa “thuto ea leruo,” “thuto ea tlhoho” le “thuto lipolelo tse ntle feela ka motho” li thibela monyetla oa ho ipolela libe.
  - (2) Ba rutang lithuto tsena ba re boipolelo ba libe ke ketso e seng ntle. Ba re ho ipolela libe ke ho fokolisa le ho latola seo re leng sona tumelong. Ba re re lokela ho lebella le ho nahana ka tlhoho, re khaohane ka botlalo le ho hloloa.
  - (3) Lithuto tsa mofuta oona li bua haholo ka tlhoho bophelong ba molumeli, hoo batho bao ba lebalang hore na **mohloli** ke mang. Ke Jesu ea ka ho rona. re hlola ka eena.
- c) Ho bolela sebe ha se ho latola tumelo ea rona kaha tumelo ea rona ha ea thehoa ke rona.

Notes —

## Ntlha ea puisano

Na thuto ea kereke ea hau e thibela boipolelo ba libe ho ba balumeli ba bang? Na u elelloa kamoo ntho ee e thibelang kopano ea ‘nete ea ba Bakreste, e seng ho Bakreste feela empa le ho Molimo? Buisanang ka taba ena?

- 7) Tikoloho ea boipolelo e tlameha ho ba tikoloho e ikemiselitseng ho nka likhato tse tebileng. Ke tikoloho e lokelang ho buleha le ho bonaletsa.
- a) Bakreste ba bangata ba ts’aba mefuta ena ea maikutlo le lipolelo. Ke ketso ea ponaletso. Leha ho le joalo, khetho e kaba ho koala lifenstere tsa maphelo a rona. Re ka phela seterateng se le seng empa ho se batho ba sa tsoeng matlung a bona, ho se le ea mong a lumellang ba bang ho kena.
  - b) Ha re a lokela ho lumella ts’abo ea ho se utloisisoe le ho soabisoa hore thibela ho ipolela libe tsa rona ho ba bang.
  - c) Tsela ea ho fihlela sena ke ho shoa bo-rona. Motho ea shoeleng bo-eena, a ke ke a soabisoa le ho koatisoa kaha bo-eena bo timetse.

# KOPANO EA KEREKE

Notes —

**Beha mohlala oa hau**

**Ntlha ea Puisano**

Na u khona ho ba le ponaletso? Na u ka khothaletsa ba bang ho buleha, ho ipolela sebe sa bona, na u ka behela batho ba bang mohlala? Buisanang ka taba ena.

## **E. Qetello ea Tlhokohalo, Boleng le ho se Tsotelle kopano.**

1. Mohlomong ha re ntse re shebana le taba ea hore kopano le phelisano ea bongoe ha se maikutlo feela, empa ke ntho e seng e ntse e le teng, re tla lumella phelisano le kopano ea 'nete ho etsahala.
  - a. Ha re lokele ho iketsetsa kopano. Re se ntse re le kopano.
  - b. Joaloka likarolong tsohle tsa leeto la rona le Krete, re lokela ho emisa ho susutlella ka thata re qale ho inehela. Re lokela ho emisa ho etsa ho itseng, ebe re qala ho ba le kutlo ho Motho ea itseng.
    - 1) Re lokela ho emisa ho leka ho iketsetsa, re qale ho amohela se seng se entsoe ke 'mopi.
    - 2) Re lokela ho emisa ho lora ka maikutlo a tikoloho ea phelisano, re qale ho phela ho eo e seng e ntse e le teng.

# KOPANO EA KEREKE

2. Re lokela ho hopola hore kopano le Ntate, e hahlele ho tsamaisa kopano le bana ba hae. ha ho e ka phelang halele ho se e ngoe.

Notes —

- a. Re lokela ho amohela baena le likhatseli ka tsela eo ba leng ka eona, le haeba ba shebahala ka tsela e batlang e fapane le ea rona. hona ke molao oa mantlha oa lelapa. Mohlankana a ke ke a hana ho ba le kopano le khatseli ea hae ka baka la liphapano tsa limelo (Bala Bar 15:7).
- b. Re bonahala re hokahana ha bobebe kopanong ea nama empang e le khuts'oane, ho feta kopano ea Moea e isang bosafeleng. Kopano eo re nang le eona le malapa a rona e bohlokoa ebile e ea hlokahala, empa ka ho fetisisa, kamano ea lelapa la semoea e bohlokoa ka ho fetisisa.
  - 1) Re tlameha ho ba le pelo le tabatabelo ea bosafeleng. E sa le joale, kajeno, re lokela ho phela bongoeng le tikolohong eo re tla phela ho eona ka ho sa feleng.
  - 2) Tje kaha 'Muso oa Molimo o le mahareng a rona, kopano eo Molimo a e batlang, e haufi le rona, re ka e fihlela. Kopano ea Bokreste e bobebe ho fihlelleha ka Krete.

## Ntlha ea Puisano

Ka bokhuts'oanyane, araba lipotso le ho bua ka lintlha tse ling tse malebana le Ho se Tsotelle Kopano ea Kereke. Phethela puisano e fe kapa e fe e amanang le tlhokahalo, boleng le ho se tsotelle Kopano ea Kereke

# KOPANO EA KEREKE

Notes —

## IV. Kamahanyo le Matsatsi a Kajeno: Kopano ea Bakreste le Mehlobo.

### A. Selelekela.

#### 1. Tlhaloso ea Mehlobo.

- a. Bohareng ba Africa, hona le mehlobo e mengata, ba liboko tse ngata tse ikemetseng. Mohlala, hona le Batusi le Bahutu.
  - 1) Batusi ba balelele ho feta Bahutu. Ba matla, 'me ka lilemo-lemo, ba ile ba halala Bahutu. Ka tsela e itseng, ba okametse le ho laola Bahutu. Bahutu ba na le lehloeo la khale khahlanong le Batusi.
  - 2) Batusi le Bahutu ha ba batlane ho hang. Ho ts'epahalla mehlobo ea bo bona, ho holisa lehloeo mehlobong ena e 'meli. Ba arohantsoe ke tsela eo ba shebang lintho ka eona, le eo ba shebanang ka eona, ba boetse ba arohantsoe ke mokhoa oa phelisano ea bona e seng ntle.
  - 3) Hona ho bitsoa boits'eko ba mehlobo.
    - a) India, hona ho bitsoa karohano ea maemo.
    - b) South Africa, e bitsoa apartheid.
    - c) America e bitsoa, nyefolo le nyeliso ea lihlopha tsa batho tse seng kholo.
    - d) Kerekeng e bitsoa denomineishene.

# KOPANO EA KEREKE

- b. Ho sa tsotellehe na lebitso ke le fe, nyelisano le nyefolano li tsoa motsoakong oa sebe se ts'oanang.
- 1) Li tsoaloe ke boikhabo, boichebo le boikhohomoso bo tsoetsoeng ke boi.
  - 2) Kamehla moo sebe sa mofuta oona se leng teng, litholonana li ea ts'oana:
    - a) likhaohano.
    - b) phokolo ea bongoe.
  - 3) 'Nete ke hore, boikhabo le boits'eko ba mehlobo, li ka senya monyetla oa kopano ea 'nete.

## Ntlha ea Puisano

Na u elelloa kamoo boits'eko ba mefuta e itseng ea batho, meetlo, lihlopha tse itseng tsa phelisano, likereke tse fapakaneng, li ts'oanang ka teng le boits'eko ba mehlobo? Na u bona hoo e le sebe kapa che? Na u ikemiselitse ho ba khahlanong le boits'eko le nyeliso ea mefuta e itseng ea batho?

2. Kopano ea Bokreste le boits'eko ba mehlobo ha se ntho tse ka phelang 'moho, ha li tsamaellane ho hang.
  - a. Boits'eko ba mehlobo ke ts'usumetso e kholo Africa. E fana ka boleng ba moetlo, bochaba le boikhabo ho lihlopha tse fapaneng tsa batho.
    - 1) E ama kereke hampe, 'me e liehisa phetoho le phunyeletso e ka tlisoang ke Evangeli.
    - 2) Ha boits'eko ba mehlobo bo etsahala kahar'a kereke, hoo ho senya le ho timetsa bongoe boo Jesu a bo batlang (Johan 17:20, 21).

Notes —

# KOPANO EA KEREKE

Notes —

## Maikutlo a Sengoli:

Ke bone litla-morao tsa boits'eko ba mehlobo likerekeng tsa Africa. Nkile ka bona ha monna a sebetsang mosebetsi o ts'oanang le oa ba bang, a bile a na le mangolo a ka holimo ho bao a sebetsang le bona, a nyelisoa le ho fokolisoa ka baka la boits'eko ba mehlobo. O ne a kholisoa halofo ea moputso oo ba bang ba o kholang ka baka feela la hoba e le motho oa mehlobo o mong. O ne a sa fumane melemo ea mosebetsi oo joaloka ba bang. (mosebetsi oona ke oa kereke)

- b. Ho ruta le ho utloisisa taba ea kopano ea Bokreste, ho ka sebelisoa ho sneya moea oa boits'eko ba mehlobo o itseng, e leng ntho e hlahang le ho tolokoa ka tsela e fapaneng libakeng tse fapaneng kahar'a likereke tsa lefats'e lohle.
- c. Karolo e setseng ea thuto ena e fana ka lintlha tse ka sebelisoang ho akofisa kopano le ho felisa boits'eko ba mehlobo kahar'a Kereke.

## Beha mohlala oa hau

### B. Bots'epehi le tsotello.

- 1. Boits'eko ba mehlobo ke ts'usumetso e matla maphelong a batho. Hangata ntho ena e etsa batho ba ts'epahallang le ho tsotella mehlobo oa bona ho feta naha.
  - a. Mohlala, hona ke ntho e kileng ea etsahala linaheng tse kang C.I.S. le moo ho neng ho thoe ke Yugoslavia. Mefuta e fapakaneng ea batho ba ts'epahallang "mehlobo" oa habo bona ho feta naha ea bo bona, ba ikhaohantse le taolo ea naha e le ngoe eo ba phelang ho eona.
  - b. Malebana le Kereke, bothata bo hlaha ha Mokreste a ba le tsotello e kholo mohlobong oa ha habo ho feta tumelo le kereke ea hae.

# KOPANO EA KEREKE

2. Ho lokela ho be le ho nchafala ha kelello (Bar 12:2) melebana le bots'epi le tsotello.
  - a. Bakreste ba Africa ba lokela ho elelloa hore ke libopuo tse ncha, 'me **tsohle** li nchafetse (2 Bakr 5:17).
  - b. Bakreste ba biletsoa ho inehela le ho ts'epahala ka bocha.
    - 1) Hona ha ho bolele hore ba se bonts'e tsotello le ts'epahalo malapeng le chabeng sa bo bona.
    - 2) Empa e bolela hore bots'epi le boinehelo ba bona ho Krete li tlameha ho ba kholo ho feta bots'epi le boinehelo bo bakeng sa sechaba sa habo bona.
3. Bots'epi bo malebana le mehlobo bo na le mekhahlelo e meraro:
  - a. Bots'epi ho lelapa.
  - b. Bots'epi ho morena.
  - c. Bots'epi tikolohong eo mohlobo o phelang ho eona.
4. Ho lokela ho be le ho nchafala ha kelello mekhahlelong ena e meraro.
  - a. Malebana le lelapa, bots'epi le boinehelo ho Krete bo lokela ho phahamela bots'epi le boinehelo lapeng Luk 14:26, "Ha mang kapa mang a etla ho 'na, 'me a sa hloe ntat'ae le 'ma'e, le mosali le bana, le khaitsele'ae, le bona bophelo ba hae, e ke ke ea eba morutuo oa ka."
    - 1) Hona ha ho bolele hore Bakreste ha ba na lerato, tlhomphe le tsotello bakeng sa melapa a bo bona. (Bala Mar 7:10 le 1 Tim 5:8).
    - 2) Leha ho le joalo, re lokela ho inehela le ho ts'apahalla Krete ho feta malapa.

Notes —

# KOPANO EA KEREKE

## Notes

- b. Malebana le moetapele oa mohlobo o itseng le ‘muso, Bakreste ba Africa ba lokela ho bua mantsoe a Liketso 5:29, “E ka khona re utloe Molimo e seng batho!”
- 1) Hona ha ho bolele hore Bakreste ba lokela ho se utloe kapa ho bonts’a tlhompho ho babusi (bala Bar 13:1-7).
  - 2) Leha ho le joalo, boinehelo, tlhompho, bots’epehi le kutlo e kholo-kholo, e fuoa Krete le puso ea ‘Muso oa Molimo.
- c. Malebana le tikoloho ea mohlobo o itseng, Bakreste ba Africa ba lokela ho lumellana le ntlha-kholo e fumanoang ho Bag 6:10, “ka baka leo, ha re sa na le sebaka, ha re etseng bohle hantle, empa haholo ba ntlo ea tumelo.”
- 1) Hona ha ho bolele hore Bakreste ba tlohele lichaba le mehlobo ea ha habo bona. Ha ho bolele hore Bakreste ba se thuse sechaba sa ha habo bona.
  - 2) Leha ho le joalo, boinehelo le bosebeletsi bo ka sehloohong, bo lokela ho neoa Krete le tikoloho ea Bokreste (ntlo ea tumelo).
- d. Boitolobetso le boinehelo mabapi le mohlobo le moetapele, ha li ea lokela ho fetoha. Empa tatellano ea kamano eona e lokela ho fetoha eona e lokela ho fetoha. Boitolobetso le boinehelo bo phahameng, bo hlakisoa ke bohlo ba lehae la rona (Motse oa Bakreste o Leholimong) (Bae 2:19; Baf 3:20).

### Beha mohlala oa hau

### Ntlha ea Puisano

Sebelisa lintlha tseo re seng re li ts’ohlile ho bua ka karabelo le katamelo ea Bakreste malebana le tatellano e nepahetseng ea kutlo, boitolobetso le bots’epehi mabapi le lelapa, ‘muso le tikoloho.



# KOPANO EA KEREKE

## C. Lintlha tse malebana le Ntlo e le Ngoe.

Notes —

1. Ho Bae 2:19 le Bag 6:10, re bona pheta-pheto ea lentsoe la bohlokoa-hlokoa boithutong ba Kopano ea Kereke. Lentsoe lelapa le supa “bongoe” ba sechaba sa Molimo.
  - a. Ho Bae 2:11-22 Paulosi o otlolla taba ena ka hore hona le (mohlobo) o le **mong** ho Krete.
  - b. Hona ho etsa hore liketso tsa lits’okelano kapa linyeliso li se etsahale ha bobebe, kaha li tsoaloe ke lihlopha tse peli tse phelang tikolohong e le ngoe. Sehlopha se itseng se sokela le ho nyelisa se seng. Empa haeba hona le sehlopha se le **seng**, lits’oko, boits’eko le nyeliso e ke ke ea etsahala.
  - c. Kahoo, boits’eko le likhang/lintoa tse pakeng tsa mehlobo, ha li ke ke tsa khona ho etsahala kahar’a Kereke kaha li hloka bonyane mehlobo e ‘meli hore li etsahale. Evangeli e kopantse mehlobo eohle, ho etsa mehlobo o le **mong** ho Krete.
2. ‘Mele o le **mong** oa Krete.
  - a. Ho Bae 2:14, Paulosi o bua ka ho bopjoa ha lihlopha tse peli ho se **le seng** ka ho heletsa “lerako la bora le pakeng tsa bona.”
    - 1) Historing ha ho so be le karohano ea mehlobo e matla ho feta e neng e le pakeng tsa Baisraele le mehlobo ea Balichaba.
    - 2) Ba ne ba hloeane haholo. Leha ho le joalo, kerekeng ea pele, ba ne ba lokela ho elelloa hore Krete o tlile ho tla heletsa lerako le pakeng tsa bona.
    - 3) Le rona, re lokela ho lumella Krete ho heletsa lerako le re arolang. Likarohano tsa mehlobo, ke meeli e emeng joaloka marako a lokelang ho heletsoa.

# KOPANO EA KEREKE

## Notes —

b. Ho Bae 2:16, Paulosi o bua ka tholoana le sephetho sa ho heletsoa ha marako ke Krete.

1) Qetello ke hore hona le ‘mele o le **mong**.

2) Hape, hlokomela ‘nete e fumanoang mantsoeng ana: **karohano le lits’oko le boits’eko ba mehlobo** (lits’oko le linyeliso) **li hloka bonyane lihlopha tse peli. Kahoo ha ho bobebe hore li etsahale kahar’a ‘mele o le mong oa Krete. U ke ke oa inyefola/inyelisa.**

3) Sheba kamoo molao oa Bae 5:28, 29 u ka amahanang le ‘nete ena ka teng.

c. Bala Baefese 4:4-6. Hlokomela kamoo Paulosi a phetang ntlha ea “bongoe” ka teng.

d. Bala 1 Bakr 10:16, 17.

1) Hlokomela kamoo Paulosi a phetang le ho tiisa ntlha ea “bongoe” ka teng.

2) Lentsoe “hobane” le fumanoang temaneng ea 17, le bonts’a lebaka leo ka lona ho ke keng ha ba le karohano ea mehlobo kahar’a kereke. Ke hobane Bakreste bohle ba nka karolo bohobeng bo le **bong**. Sefapano **se seng** feela.

3) Kahoo, ntlha-kholo bakeng sa Bakreste, e fumanoa nthong e arolelanoang, e ts’oanang ho bohle. Ha e fumanoe linthong tse fapaneng, tse arohaneng.

3. Lelapa **le leng** la Molimo.

a. Re lokela ho kenyeletsa ntlha ea ho tsoaloa la bobeli.

1) Karohano le boits’eko ba mehlobo, ke tholoana ea tsoalo ea nama. U tsoalloa kahar’a mohlobo o hloileng mohlobo o mong. Kahoo, u hloile mohlobo o mong.

2) Kopano e fumanoang Kerekeng ke tholoana ea tsoalo ea semoea. Bakreste bohle ba tsoaletsoe kahar’a lelapa le le leng.

a) Batho ba hlahetseng mohlobong oa Batusi, ke Batusi. Batho ba hlahetseng mohlobong oa Bahutu, ke Bahutu. Ba hlahela kahar’a karohano e teng pakeng tsa mehlobo ena.

b) Empa Batusi ba tsoaloa la bobeli e le Bakreste. Bahutu le bona ba tsoaloa la bobeli e le Bakreste. Ba tsoalloa la bobeli kopanong.

# KOPANO EA KEREKE

## Ntlha ea Puisano

Notes —

bua le ho araba lipotso tse mabapi le ntlha ea “bongoe.”

### D. Selallo sa Morena.

1. Bala 1 Bakr 11:17-34. Boithuto bo tebileng le kutloisiso e batsi ea serapa sena li ka sebetsa molemo bakeng sa ho akofisa kopano khahlanong le ts’oso ea khaohano tsa mehlobo (kapa khahlanong le lits’oko kapa linyeliso tsa mofuta o fe kapa o fe).

- a. Kerekeng ea Testamente e Ncha, Selallo sa Morena se ne se fanoa ho ipapisitsoe le “ts’ebeletso ea lerato la Agape.”

- 1) Leha ho le joalo, ho Bakorinthe, boleng ba kopano, bo ile ba tlosoa ke likhaohano le boikhabo.
- 2) P. Theissen, bukeng ea hae e bitsoang The Social Setting of Pauline Christianity, o bua tjena malebana le boemo bo neng bo le Korinthe:

“Selallo sa Morena, se ne se sebelisoa ho akofisa liphapang le likarohano, ho ena le ho sebelisoa e le motheo oa bongoe kahar’a ‘Mele oa Krete.’”<sup>12</sup>

- 3) Motheo oa liphapang tsena, ha oa fapana le motheo oa liphapang tse har’a mehlobo, tse tsoalang likhaohano le boits’eko ba mehlobo eo.
  - a) ho ne hona le tsela ea karohano eo Bakorinthe ba neng ba sheba le ho atamela baetapele ba bona ka eona.
    - (1) bala lintho tse lutjoang ke 1 Bakr 11:18, 19, 1 Bakr 1:12, le 3:3-5.
    - (2) Ma-Africa a ka bitsa Apolosi, Kefase, le Paulosi “baetapele/marena/babusi”.

# KOPANO EA KEREKE

## Notes —

b) ho ne ho na le phapano moruong.

(1) Bala 1 Bakr 1:26; 7:20-24; le 12:13. Ba bang ba balumeli ba Korinthe, e ne e le makhoba kapa bao e kileng ea ba makhoba, 'me e ne e se ba bangata ba tsoang malapeng a marena. Mohlomong ba bangata ba ne ba futsanehile.

(2) Bala Bar 16:23 le Liketso 18:8. Empa ho ne ho boetse ho ntse ho na le ba bang ba balumeli ba Korinthe ba neng ba ruile. Gaiose o ne a na le leruo le lekaneng hore a ka fepa kereke eohle. Erasetose e ne e le ramatlotlo oa motse. Kuaritose e ne e le moetapele Sinagogeng.

(3) Karohano ea mehlobo e ka tlisoa ke liphapano moruong.

c) Ho ne ho na le phapano litumelong le lithutong tsa tumelo.

(1) Kereke ea Korinthe e ne e kenyelelitse Bajuda le Balicha ka ho ts'oana.

(2) Korohano le boits'eko ba mehlobo, e ka tlisoa ke phapano ea litumelo le lithuto tsa tumelo.

b. Kahar'a liphapang tsa batho bana, Paulosi o ile a bua ka matla ka selallo sa Morena, e le tsela ea ho ruta ka bongoe. Bakreste ba mehla ena le bona ba ka etsa ho ts'oanang. Khaohano le boits'eko ba mehlobo kahar'a kereke, li ka felisoa ka ho ja selallo sa Morena 'moho.

### Ntlha ea Puisano

Bolela kamoo litaba tsa liphapang le likhaohano tsa khale, tsa mongoaha oa pele, li ntseng li amana le bophelo ba kajeno.

# KOPANO EA KEREKE

2. Boela o shebe ho 1 Bakr 11:17-22. Paulosi o ile a khalema Bakorinthe mabapi le tsela ea bona ea ho ja Selallo sa Morena (tem. 17, 22).
- Likopanong tsa boithabiso le meketeng ea ka nako eo, ho ne ho etsoa mekete eo litho tsa sehlopha se itseng li tla tla hammoho ho ja le ho noa. Lijo li ne li fuoa batho ho latela maemo a bona sechabeng. Meketeng, ho ne hona le batho ba jang lijo tse khethehileng, tse ngata ho feta ba bang.
  - Ntho e ts'oanang e ne e etsoa ke litho tsa kereke ea Korinthe moketeng oa lerato, moo Selallo sa Morena se neng se jeoa. Bakreste ba ruileng ba ne ba ja le ho noa ho fihlela ba khots'e, ha bakreste ba futsanehileng ba ne ba sa je letho. (boela o shebe 1 Bakr 11:17-22 le litem. 33, 34).
  - Selallo sa Morena, se ile sa fetoha sesupo sa phapano ea maemo le ho se lekane, ho ena le hore e be ts'ebeletso le keteko ea bongoe.
    - Kahoo, ha ba ne ba kopana, e ne e se molemong oa ho ja Selallo sa Morena. Mofuta oa bona oa Selallo sa Morena, o ne o fapane haholo le Selallo sa 'nete sa Morena. Mokhoa oa bona o ne o loants'ana le seo Selallo sa Morena se leng seona.
- 2) Sheba sets'aonts'o sena ho bona tlhaloso ea Paulosi ea phapano ea seo a se ngotseng ho 1 Bakr 11:17-22.

Notes —

Litemana	Papano	Maikutlo
18	Liphuthehong tsa lona tsa KEREKE    LIKAROHANO	Mantsoe “kereke” le “moho” ha li tsamaellane le “likarohano”
20,21	Selallo sa MORENA    Lijo tsa HAE	Boichebo le boikhabo, li senya Moea oa keteko
21	E MONG A LAPE    E MONG A TAOE	Ho fetana ha maemo, ho lahla seo e leng khubu ea keteko
17	E SENG MOLEMO    BOBE	Bonnete bo kotsi

# KOPANO EA KEREKE

## Notes —

- 3) E kaba Korinthe, Africa, kapa kae kapa kae lefats'eng; likarohano, boikhabo, le phapano ea maemo ha li lumellane le keteko ea sefapano e tlisitseng bongoe, boitelo, le tekano

3. Ho bolelang hore “ka mokhoa o sa ts'oanelehang” (tem. 27)?

- a. “o sa ts'oanelehang” ke phetolelo ea lentsoe la Segerike “anaxios” (“an” le “axios”).

- 1) “Axios” e bolela ho phahamisoa ha qetello e ngoe ea sekala, kapa ho tlisa tekanong. Tekano ke eona ntlha-mantlha.

- 2) “An” e bolela “eo e seng, o sa.”

- 3) Kahoo, lentsoe lena “anaxios” kapa “o sa ts'oanelehang” le bolela “ho sa lekaneng le” kapa “ho hloka tekano.”

- b. Ho ja selallo sa Morena ka mokhoa o sa ts'oanelehang, ke ho ja selallo ka mokhoa o hlokanang tekano. E supa ba neng ba ja selallo sa Morena ka maikutlo kapa mokhoa o tletseng nyeliso le ts'oko kapa boikhabo.

- 1) C.K. Barrett, bukeng ea hae e bitsoang A Commentary on the First Epistle to the Corinthians, o re:

“ho ja le ho noa ka mokhoa o sa ts'oanelehang, ke ho fapanya sepheo sa boitelo(boiphano) ba Krete, le moea kapa mokhoa oo bo neng bo etsoa ka oona.”<sup>13</sup>

- 2) Lefu la Krete (e leng seo selallo sa Morena se lokelang ho ketekoa ho ipapisitsoe le sona) le tlisitse bongoe, tekano, le timetso ea ts'oko le nyeliso (Bae 3:6).

# KOPANO EA KEREKE

3) Moea oa lefu la hae, e ne e le oa sehlabelo, lerato, le boitelo.

Notes —

a) Ba bang ba Bakreste ba Korinthe ba ne ba keteka selallo sa Morena ka tsela e fapaneng haholo le moea oona.

(1) Ho ena le ho supa sehlabelo, ba ne ba ikhorisa, ha ba bang ba sala ba lapile.

(2) Ho ena le ho bonts'a lerato, ba ne ba sa tsotelle ba bang.

(3) Ho ena le ho itela, ba ne ba nena ba bang.

b) Ho ja Selallo sa Morena ka maikutlo le ka tsela ena, e ne e le sebe khahlanong le 'mele le mali a Krete. E ne e le ho nyelisa mosebetsi oa sefapano le ho fokolisa boleng ba topollo ea hau.

## **Mohlala oa Sengoli:**

Ho ja selallo ka tsela e sa ts'oanelehang, ho ka ts'oana le ho ba le lijo tsa sehopotso "ho tlotla" Dr. Martin Luther King (ea ileng a fana ka bophelo ba hae bakeng sa litokelo tse ts'oanang bakeng sa batho ba bats'o) feela e be batho bohle ba bats'o ba lulisoa kamorao.

Keteko ea mofuta oona e ka ba khahlanong le Martin Luther King (bala 1 Bakr 11:17).

Hona e ka ba tlhapa kapa sebe khahlanong le mali a hae a ts'olotsoeng bakeng sa tekano (bala 1 Bakr 11:27).

Keteko ena e ka se ts'oanele Dr. King, 'me e ka ba nyeliso ho eena (bala 1 Bakr 11:27).

## **Beha mohlala oa hau**

# KOPANO EA KEREKE

## Notes —

- c) boits'eko le lits'ekamelō tsa mehlobo ha li kopane le Selallo sa Morena. Boits'eko ba mehlobo ha li ea ts'oanela Selallo sa Morena.
- 1) Lits'oko le liphapang tsa mehlobo li tsoaloa ke boikhohomoso le boikhabo. Selallo sa Morena ke tholoana ea boikokobetso le sehlabelo (Baf 2:3-8).
- 2) Boits'eko ba mehlobo ke sehlahisoa sa boi. Selallo sa Morena ke tholoana ea ts'epo le sebete (Johan 13:1-3).
- 4. Moelelo oa polelo e ke o fe “a sa khetholle hore ke ‘Mele oa Morena’ (tem. 29)?
  - a. Maikutlo a akaretsang a ho 1 Bakr 10:17 moo “mele” e leng kereke kapa balumeli.
  - b. Moelelo o otlohileng o amana le liketso tsa litho tse fapakaneng tsa kereke kapa “mele.”
    - 1) Ho se khetholle “mele” ka tsela e nepahetseng ke ho se tsotelle le ho se nke litho tsa kereke ka tsela e nepahetseng.
    - 2) Ke ho sebetsa ka nyefolo khahlanong le setho se seng sa “mele” ka liketso kapa katamelō.
    - 3) Qetello ea hona ke kahlolo (sheba lit. 29, 30).
  - c. Liketso le katamelō ea boits'eko ba mehlobo, ha likhetholle ‘mele ka nepo. Litholoana kajeno li ts'oana hantle le tsa lilemo tse 2000 tse fetileng. Qetello ke kahlolo.



# KOPANO EA KEREKE

5. Kakaretso le qetello ea kopano ea Bokreste le boits'eko ba Mehlobo.

Notes —

a. Kakaretso.

- 1) Paulosi o bonts'a ts'ebeliso e mpe ea Selallo sa Morena.Lit.17-22.
- 2) O bonts'isa ketso ena e mpe ka ho e bapisa le ketso e nepahetseng ea ho ja Selallo sa Morena (tem. 23-26).
- 3) O hlalosa litlamorao le pilietso ea ts'ebeliso e mpe ea selallo sa Morena (tem. 27-32).
- 4) O fana ka litaeo tsa ho felisa ts'ebeliso e fosahetseng ea selallo sa Morena (tem. 33, 34).
- 5) Litaeo tsena li ka akaretsoa ka tsela ena bakeng sa boits'eko ba mehlobo kahar'a Bakreste ba Africa, "haeba motho e mong, e le oa mehlobo o mong, ha a siece lits'oko tsa hae, e le hore ho qojoe kahlolo."

b. Qetello.

- 1) Batho ba bangata ba nahana hore ha ho tharollo bakeng sa boits'eko le liphapang tsa mehlobo Africa. Mebuso e fapaneng ea lipolotiki Africa ha e so fane ka tharollo khahlanong le boits'eko le liphapang tsa mehlobo.
- 2) Bokreste ke eona feela tharollo. Liphapang tsa mehlobo li lokela ho felisoa ke bongoe ba sefapano. Tsela e le ngoe eo sena se ka etsahalang ka eona, ke ka kopano le bongoe ba Kereke.
- 3) Ka ho ts'oana, bongoe ba sefapano, bo ka ba le ts'usumetso mefuteng e meng ea liphapang le nyeliso, tse etsahalang lefats'e ka bophara. Bokreste le kopano ea 'nete ea Kereke, ke tharollo bakeng sa bothata bona bo anetseng lefats'e lohle.

## Ntlha ea Puisano

Buisanang ka maikutlo amang a ka hlahang kapa lipotso malebana le boithuto ba kopano ea Bokreste le liphapang le boits'eko ba mehlobo.

# KOPANO EA KEREKE

Notes —

Tse Qetellang:

<sup>1</sup>Michael P. Green, ed. Illustrations for Biblical Preaching (Grand Rapids, MI: Baker Book House, 1989), p.225.

<sup>2</sup>Ralph Martin, The Family and the Fellowship (Grand Rapids, MI: Wm. B. Eerdmans, 1979), p. 15.

<sup>3</sup>David Watson, Called and Committed (Wheaton, Ill: Harold Shaw Publishers, 1982), p. 30.

<sup>4</sup>Howard Snyder, The Community of the King (Downers Grove, Ill: Inter-Varsity Press, 1977), p. 74.

<sup>5</sup>Ibid., p. 74.

<sup>6</sup>Watson, p. 18.

<sup>7</sup>Ibid., p. 20.

<sup>8</sup>Ibid., p. 24.

<sup>9</sup>Jerry Horner, Living in the Family (Lamp Press, 1982), p. 35.

<sup>10</sup>Dietrich Bonhoeffer, Life Together (New York, N.Y.: Harper and Row Publishers, 1954), pp. 110, 112.

<sup>11</sup>Watson, p. 31.

<sup>12</sup>P. Theissen, The Social Setting of Pauline Christianity (Philadelphia: Fortress Press, 1982), p. 160.

<sup>13</sup>C.K. Barrett, A Commentary on the 1st Epistle to the Corinthians (N.Y.: Harper and Row, 1968), p. 272, 273.